


Clemènt MICHEL

PICHOTO GLENO Recuei de pouësìo prouvençalo



Mescladisso : Odo, sounet, cansoun, galejado, etc...

A F. Mistral

Grand Mèstre,

*Aquelo pichoto gleno
Vous la semounde à man pleno
Tóuti lis espigau n'en soun pas bèn grana.
Emé gàubi... e proun peno,
L'ai facho dóu bon gran qu'avès tant semena.*

Clemènt Michel

LI GRAPAUD DOUS N'EN FAN QU'UN

Dins li siàvi vesperado
Dóu mès de Jun,
Quand l'astre à la couchado
Perd soun clarun,

S'ausis luno levado
Un cascaiun
Di grapaud la cantado,
Lou tremoulun.

La grapaudo amatado
I frèrs oumbrun,
Ausis la serenado
De soun masclun.

L'amourous canto aubado
Dins li palun;
A sa bello enebriado
Dis si plagnun.

Sa coumpagno enausado,
D'un grand chalun,
Escound dins la jouncado
Soun treboulun.

Espèro l'embrassado
Que soun béu brun,
I'adus d'acoustumado
Au calabrun...

~~Se la sagno daurado,~~
~~Dins si tramblun,~~
~~Plan plan fa chaurihado~~
~~Irevoulun.~~